

Na osnovu člana 28. stav 1. b) Zakona o javnim preduzećima u Federaciji Bosne i Hercegovine („Službene novine FBiH“, broj: 8/05, 8108, 22/09 i 109/12) i člana 62. stav 1. tačka b) Statuta JP „Međunarodni aerodrom Tuzla“ d.o.o. („Službene novine TK“ broj: 1/17 i 9/17), Odbor za reviziju JP „Međunarodni aerodrom Tuzla“ raspisuje sljedeći:

KONKURS ZA IZBOR I IMENOVANJE DIREKTORA ODJELA ZA INTERNU REVIZIJU JP „MEĐUNARODNI AERODROM TUZLA“ D.O.O.

Objavljuje se konkurs za izbor i imenovanje:

**Direktora Odjela za internu reviziju JP „Međunarodni aerodrom Tuzla“ d.o.o. –
1 izvršilac**

Izbor i imenovanje direktora Odjela za internu reviziju JP „Međunarodni aerodrom Tuzla“ d.o.o. izvršit će Odbor za reviziju JP „Međunarodni aerodrom Tuzla“ d.o.o., većinom glasova na osnovu provedenog javnog konkursa.

Imenovanje se vrši na period od 4 (četiri) godine. Dužnosti Direktora Odjela za internu reviziju utvrđene su članovima 30. do 33. Zakona o javnim preduzećima u Federaciji BiH, članom 63. Statuta JP „Međunarodni aerodrom Tuzla“ d.o.o.

Naknada i druga prava direktora Odjela za internu reviziju uređuju se ugovorom.

Kandidat koji aplicira za direktora Odjela za internu reviziju mora ispunjavati sljedeće uslove:

A. OPĆI USLOVI

- 1.** da je stariji od 18 godina i da nije stariji od 65 godina na dan imenovanja (dokaz: ovjerena fotokopija lične karte - ovjerena fotokopija ne starija od 90 dana),
- 2.** da je državljanin Bosne i Hercegovine (dokaz: uvjerenje o državljanstvu, ne starije od 6 (šest) mjeseci od dana izdavanja istog - ovjerena fotokopija ne starija od 90 dana);
- 3.** da su zdravstveno sposobni za obavljanje poslova na koje se kandidiraju (dokaz: potpisana izjava ovjerena od nadležnog organa- ne starija od 15 dana);
- 4.** da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 (tri) godine prije dana objavljivanja ovog konkursa (dokaz: potpisana izjava ovjerena od nadležnog organa- ne starija od 15 dana);
- 5.** da se na njega ne odnosi član IX.1. Ustava Bosne i Hercegovine (dokaz: potpisana izjava ovjerena od nadležnog organa - ne starija od 15 dana),
- 6.** da se protiv njega ne vodi krivični postupak, odnosno da nje osuđivan za krivično djelo i privredni prijestup-prekršaj nespojive s dužnošću direktora Odjela za internu reviziju, 5 (pet) godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od nadležnog organa - ne starija od 15 dana),
- 7.** da nije izabran zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana Zakona o sukobu interesa u institucijama vlasti FBiH odnosno Bosne i Hercegovine (dokaz: potpisana izjava ovjerena od nadležnog organa - ne starija od 15 dana),
- 8.** da nije član upravnog ili nadzornog odbora drugog reguliranog organa a ukoliko jeste, kandidat je u tom slučaju dužan dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja (dokaz: potpisana izjava ovjerena od nadležnog organa - ne starija od 15 dana),
- 9.** da nije zaposlenik Društva , kao i da nema direktni ili indirektni finansijski interes u Društvu (dokaz: potpisana izjava ovjerena od nadležnog organa)
- 10.** da nisu dioničari sa 50% i više dionica, ravnatelj ili član uprave bilo kojeg dioničkog društva kao i vlasnik sa 50% i više vlasništva, ravnatelj i član uprave bilo kojeg društva sa

ograničenom odgovornošću (dokaz: potpisana izjava ovjerena od nadležnog organa - ne starija od 15 dana),

11. da nije na funkciji u političkoj stranci (dokaz: potpisana izjava ovjerena od nadležnog organa - ne starija od 15 dana).

B. POSEBNI USLOVI

- 1) Visoka stručna sprema – završen ekonomski fakultet (dokaz: ovjerena kopija univerzitetske diplome ovjerena fotokopija ne starija od 90 dana) ,
- 2) da ima 5 (pet) godina radnog iskustva nakon sticanja zvanja iz tačke 1) – (Odjeljak B- Posebni uslovi) i najmanje 3 (tri) godine radnog iskustva na poslovima iz oblasti revizije ili poslovima interne revizije ili poslovima budžetiranja u javnom sektoru ili poslovima sa trezorskom poslovanjem ili finansijsko - računovodstvenim poslovima (dokaz: potvrda ili uvjerenje poslodavca- original ili ovjerena fotokopija- ovjerena fotokopija ne starija od 90 dana);
- 3) da posjeduje važeći certifikat ovlaštenog internog revizora za javni sektor u Federaciji BiH izdat od Federalnog ministarstva finansija (dokaz: ovjerena fotokopija ne starija od 90 dana);
- 4) da posjeduje važeći certifikat ovlaštenog revizora (dokaz: ovjerena fotokopija ne starija od 90 dana);
- 5) poznavanje rada na računaru (dokaz: ovjerena fotokopija uvjerenja/ certifikata o poznavanju rada na računaru ili dodatak diplome kojim se dokazuje položen ispit informatike - ovjerena fotokopija ne starija od 90 dana);
- 6) poznavanje engleskog jezika (dokaz: ovjerena fotokopija uvjerenja/certifikata o poznavanju engleskog jezika ili drugom ispravom fakulteta koja potvrđuje položen ispit engleskog jezika tokom školovanja - ovjerena fotokopija ne starija od 90 dana).

Svi kandidati su uz gore navedene dokaze o ispunjavanju traženih uslova dužni dostaviti prijavu i kraću biografiju.

Konkurs će biti objavljen u Službenim novinama Federacije Bosne i Hercegovine, u dnevnom listu „Dnevni avaz“ i web stranici JP „Međunarodni aerodrom Tuzla“ d.o.o.

Konkurs ostaje otvoren 15 (petnaest) dana od dana objavljivanja istog u Službenim novinama Federacije Bosne i Hercegovine.

Svi kandidati koji budu stavljeni na listu sa užim izborom najboljih kandidata bit će pisanim putem pozvani na intervju. Podnosioci prijava sa kojima se ne stupi u kontakt u roku od 15 dana nakon roka za podnošenje prijava neće biti uzeti u razmatranje u daljem procesu imenovanja. Kandidati zaposleni u organima državne službe koji uđu u užu izbor i budu pozvani na intervju, prilikom obavljanja intervjuja dužni su priložiti rješenje kojim je kandidatu data pismena suglasnost od strane rukovodioca organa državne službe za obavljanje dopunske djelatnosti. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima. Izabrani kandidat dužan je prije konačnog imenovanja dostaviti Uvjerenje o općoj zdravstvenoj sposobnosti koje ne smije biti starije od 6 mjeseci, kao i Uvjerenje traženo pod tačkom 6. Odjeljak A- Opći uslovi. Prijave sa svim traženim dokumentima treba dostaviti lično ili preporučenom poštom na adresu:

JP «Međunarodni aerodrom Tuzla» d.o.o.

Gornje Dubrave bb

Živinice,

sa naznakom: „Prijava na konkurs za izbor i imenovanje direktora Odjela za internu reviziju“ (-NE OTVARATI-).

Neblagovremene i nepotpune prijave neće biti uzete u razmatranje.